

Bosna i Hercegovina
FEDERACIJA BOSNE I HERCEGOVINE
FEDERALNO MINISTARSTVO ENERGIJE,
RUDARSTVA I INDUSTRIJE

Bosnia and Herzegovina
FEDERATION OF BOSNIA AND HERZEGOVINA
MINISTRY OF ENERGY, MINING AND INDUSTRY
OF THE FEDERATION OF BOSNIA AND
HERZEGOVINA

Босна и Херцеговина
ФЕДЕРАЦИЈА БОСНЕ И ХЕРЦЕГОВИНЕ
ФЕДЕРАЛНО МИНИСТАРСТВО ЕНЕРГИЈЕ,
РУДАРСТВА И ИНДУСТРИЈЕ

Broj: 06-02-4-1085/22
Mostar, 02.08.2022.godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 26 -08- 2022			
Org. jed.	Broj	Priloga	Vrijednost
05/2	- 02 - 189 / 22		

Bosna i Hercegovina
Federacija Bosne i Hercegovine
DOM NARODA PARLAMENTA FEDERACIJE BOSNE I HERCEGOVINE
n/p Slađan Ilić

PREDMET: Odgovor na inicijativu, dostavlja se –

Federalno ministarstvo energije, rudarstva i industrije je 06.06.2022. godine zaprimilo akt Ureda Vlade Federacije BiH broj: 03-04-724-7/22 od 03.06.2022. godine u čijem prilogu se nalazi akt Doma naroda Parlamenta Federacije Bosne i Hercegovine broj: 05/2-02-189/22 od 31.05.2022 godine, u kojem je dostavljena inicijativa, koju je na 18. sjednici Doma naroda Parliamenta Federacije Bosne i Hercegovine održanoj 26.05.2022. godine pokrenuo Slađan Ilić, delegat u Domu naroda Parlamenta Federacije Bosne i Hercegovine.

Inicijativa glasi:

„Ja za današnju sjednicu imam tri inicijative, prva je Vladi FBiH i nadležnom resornom ministarstvu i EP BiH. Inicijativu za kontrolu sigurnosti rudničkih jama i površinskih kopova na području BiH, imajući u vidu trenutnu situaciju u rudnicima Kreka ali i u svim drugim rudnicima mrkog uglja u BiH izražavam zabrinutost za rudare koji su uposlenici EP BiH, ustvari rudnika ...EP BiH. Trenutno stanje u rudnicima je veoma loše, i dugi niz godina se samo govori o modernizaciji rudnika a u mjesto toga došli smo u situaciju da imamo rudnike pred zatvaranje i pred gašenje. Znajući da veliki broj rudara napušta posao i otkazuje ugovor o radu EP BiH i rudnicima tražeći spas za sebe i svoje porodice odlazeći u druge zemlje i van BiH pitam se šta li je uzrok tome, svi znamo naravno da je situacija koja je tamo da je jedan od uzroka, tražim od nadležnih institucija da što u kraćem roku obiđu sve jame na području BiH i površinske kopove a posebno jamu rudnika Mramor kao i površinske kopove rudnika Kreka. Naime i tim rudnicima stanje sigurnosti prema informacijama od ljudi koji tamo rade je na veoma niskom nivou i vrlo su moguće prema njihovim tvrdnjama vrlo su moguće potencijalne nesreće, da bi smo to izbjegli tražim, insistiram da se stanje sigurnosti u rudnicima posebno jamama ali i na površinskim kopovima utvrdi i da se spram toga poduzmu određene mjere. Mislim, da ukoliko se ne budu poduzimale određene mjere ne utvrđi se trenutno stanje u rudnicima u jamama u površinskim kopovima da će nadležni koji je evo ako ne na

drugi način a i ovim putem imaju informaciju oko toga biti odgovorni za neke nedaj bože nesreće koje bi se moglo desiti u rudnicima, i tražim da mi se po ovoj inicijativi očituje Vlada FBiH, nadležno resorno ministarstvo kao i EP."

Federalno ministarstvo energije, rudarstva i industrije daje slijedeći odgovor:

Ovo Ministarstvo, kao nadležno Ministarstvo za rudarstvo i geološka istraživanja mineralnih sirovina, pozdravlja i podržava inicijativu delegata u Domu naroda Parlamenta Federacije Bosne i Hercegovine Slađana Ilića.

Sigurnost površinskih i podzemnih objekata je definisana Zakonom o rudarstvu Federacije Bosne i Hercegovine (Službene novine Federacije BiH, broj 26/10), a obaveza privrednog društva koje se bavi rudarskom djelatnošću je provođenje mjera sigurnosti.

Federalno ministarstvo energije, rudarstva i industrije u okviru svojih nadležnosti izdavanja odobrenja i dozvola za izvođenje rudarskih radova vodi brigu da se ispoštuju svi zakonski okviri koji su propisani Zakonom o rudarstvu Federacije BiH, Zakonom o zaštiti na radu, Pravilnicima za podzemnu i površinsku eksploraciju mineralnih sirovina i svi ostali zakonski propisi u oblasti rudarstva.

Rudarstvo je težak i opasan posao, upravo iz tog razloga poseban naglasak u svim rudnicima mora biti sigurnost i zdravlje uposlenih rudara.

Federalna uprava za inspekcijske poslove – Federalni rudarsko, termo i elektro-energetska vrši inspekcijski nadzor nad provođenjem zakona i propisa koji se odnose na eksploraciju mineralnih sirovina, tehničke mjere pri obavljanju rudarske djelatnosti, zaštitu na radu pri eksploraciji mineralnih sirovina, zaštitu od požara i eksplozija pri eksploraciji mineralnih sirovina, izgradnju i održavanje rudarskih objekata, postrojenja i uređaja, transport, uskladištenje i rukovanje eksplozivnim materijalom, izvođače radova, tehničko rukovođenje i nadzor i rudarska mjerena, da li se rudarski radovi izvode u skladu sa odobrenom projektnom dokumentacijom i dr. i nalaže rudarskim subjektima sve mјere koje trebaju poduzeti u cilju poboljšanja stanja sigurnosti u rudarskim objektima.

Neposrednu kontrolu provođenja svih propisanih mјera zaštite na radu vrši Služba Zaštite na radu Rudnika.

Zakonom o rudarstvu Federacije BiH propisano je da inspektor moraju jednom godišnje izvršiti nadzor nad površinskim rudarskim radovima i jednom u šest mjeseci nad podzemnim rudarskim radovima. O izvršenim inspekcijskim nadzorima svih privrednih subjekata koji se bave rudarskom djelatnošću Federalna rudarska inspekcija upoznaje Federalno ministarstvo energije, rudarstva i industrije. Ukoliko je zdravlje ljudi i imovinu, u svom Rješenju će naložiti otklanjanje nepravilnosti ili zabraniti daljni rad dok se nepravilnosti ne otklone.

U dostavljenim Rješenjima od strane Federalnog rudarsko, termo i elektro-energetskog inspektorata može se viditi da nije bilo zabrane rada u Rudnicima, ali svako bilo je naloženih mјera u cilju poboljšanja stanja kada je u pitanju prije svega sigurnost uposlenih ali i opreme i objekata.

Što se tiče ulaganja u modernizaciju rudnika uglja, kao i poboljšanja stanja sigurnosti zaposlenih u rudnicima koji su u Koncernu JP Elektroprivreda BiH d.d. obzirom da je inicijativa proslijedena i JP Elektroprivreda BiH d.d. Sarajevo smatramo da će sadržajniji odgovor, kada su u pitanju dosdašnja ali i planirana ulaganja u rudnike, dati vladajuće društvo JP Elektroprivreda BiH koje provodi politiku poslovanja zavisnih društava rudnika uglja koji su u Koncernu EP BiH.

S poštovanjem,



DOSTAVLJENO:

- Domu Naroda Parlamenta Federacije Bosne i Hercegovine – Slađan Ilić
- Sekretar Doma Naroda Parlamenta Federacije Bosne i Hercegovine (Co)
- Generalnom sekretarijatu Vlade Federacije BiH (na znanje)
- evidenciji
- a/a